

北牕古玉集





北窓古玉兩先生詩集序

仲尼論逸民上下數百千載所舉者只七人
也夫夷齊之清殆入聖域下焉者亦必中
列於斯選者宜若是難也自茲以降漢有嚴遵魏有
孫登唐有孫思邈張志和此其人雖抗跡象外不可
槩諸聖軌然其肥遯高蹈不獲世之滋垢且有微妙
玄通之識非局儒曲士所能闕方之逸民抑其次也
以余觀於近代若北窓鄭先生暨其季古玉迹其所
造奚遽不若古之人哉北窓生而靈異博通三教其
修攝似道解悟類禪而倫常行誼一本吾儒以至方

技衆藝各臻奧妙然皆非學而得也少時隨親覲
上國過鴨水見華人便作華人語入燕遇外國使便
作外國語嘗入山攝心數日而盡知山下百里間事
如目擊焉吁亦異矣晚節稱病謝客處暗室下帷默
坐者幾十年年四十餘而沒識者以為解化噫使先
生生而及聖人之門竭才於誠明之學卽孔氏所稱
何以加焉古玉少北窓二十七歲其才識不及伯氏
而清夷冲澹類有道者喜吟詩草隸亦工傍通方藥
風鑑之術逞逞多奇驗而遺外世事託於麴蘖以逃
焉然公少從伯氏及守菴朴枝華學通金丹秘要中

歲喪偶不復娶斷慾三十六年以老壽終人稱為酒
仙焉北窓有遺稿業已編入於所謂三賢珠玉者而
古玉詩經亂放失存者僅數百篇軍威蔡宰亨後古
玉之彌甥也將合刻兩先生稿而問序於維維謂古
之畸人逸士埋光匿輝不欲人之知之然其聲施後
世不能無待於言之傳也君平解老思邈纂方蘓門
數語西塞一詠之數君子者固無所待此然不有是
後之人何觀焉北窓不治詩多信筆直寫要以暢其
意而止古玉頗治詩聲調清遠時有唐人風致要之
兩先生非待詩而傳者而詩之出於兩先生者自不

北窓古玉先生詩集序
可以不之傳也北窓諱礪字士潔古玉諱磻字君敬
其先溫陽人云崇禎三年歲在庚午日南至德水張
維序

東國無真人北窓是真人云先輩論之尚矣余小子
於北窓先生為族孫而先生之仙化者三十有餘年
而小子生焉兒時已聞東國有真人鄭北窓而實不
知何狀人方可謂之真人也先生之少身古玉先生
與余王父文靖公同庚懽甚余悲不及北窓而猶喜
及古玉焉丁酉亂避地首陽山下逢古玉先生於逆
旅中鄰並三年朝暮獲陪詩酒時先生已老鶴形銀

髻宛如神仙中人宵襟澄澈類有道者自不覺歎息
起敬先生曰君乃以我為真人耶我猶未免為鄉人
也惜不令君見吾北窓兄也於是日聞所不聞其風
神儀表靈異奇驗無不備悉乃知先生生而神異博
通三教可與為仙可與為佛可與為聖人是之謂真
人者非耶卽今兩先生遺蹟已杳然矣古玉宅相蔡
君亨後以遺稿見眎得見卷首所載北窓行跡野史
所記小而能知百里外事大而能通萬里外語自非
頓悟六通功成火候惡能與此夫以如是之奇識終
不泥於仙釋一以吾儒聖學為本觀其遺訓專務孝

笏以小學近思為初學蹊徑諄諄戒飭則斯豈非
古今仙真卓絕罕觀者哉北窓詩自然流出膏中直
與三八岳陽午夜君山等作同一揆也至於古玉老
於詩律音韻清遠逼唐名家近世詩人自當讓一頭
矣然是特餘事耳兩先生之流名不朽者豈實在詩
乎哉顧余末裔後學奚敢尚論竊喜附名仙牒忘其
僭越而樂為之道云門孫海嵩尉尹新之謹序

東溟鄭君平為其先世北窓古玉兩先生詩集求序
於余蓋久矣求之益懇其意非有取於余之文雖不
文如余者亦不舍可見其似述之誠篤也余烏得無

感北窓先生生而稟天地自然之氣於衆藝不學而
通處乎區合之內而超乎埃壒之表悟類乎禪而不
流於虛無鍊近乎道而不階乎積累高情遠趣洞觀
玄奧格言懿行本諸聖學吾聞神全之人不慮而通
不謀而當精照無外若先生者信乎神全矣豈所謂
至人者非耶於詩律亦何嘗操觚苦吟為哉蓋發乎
情而形諸言自無不吐乎格律其音泐泐乎有餘韻
矣古玉即北窓之冢而其風槩神識亦自有不凡者
余自幼時飲聞先生之風先生平生儉欲守靜處獨
餘三十年仙山鍊形亦嘗有素可知其非風塵中人

也其詩類其人清爽不俗今余得二先生詩而讀之固已幸矣從而掛名於二先生之詩卷又何幸之甚也噫此特其煨粕爾奚足以觀二先生哉然善讀者得是詩而味之則當必有曠世而感發者矣歲甲午仲春白軒李景奭謹序

世之人以此密先生頓悟神通疑是悟禪見性之人非也蓋先生窮理盡性君子也性理是何等道理而盡之者為何如人耶孟子曰知性則知天天尚可知何事不可知乎禪家神通非別種道理也乃性分內事也禪能見性神通則儒獨不能盡性神通乎均是

一性則萬無禪能之而儒不能也昔者吾夫子逆知
秦始皇亡於沙丘康節病卧能知趙元昊寇於幽州
是聖賢之神通也然則北窓之神通又何疑乎上達
一款儒禪相似處甚多不可以此而疑之也噫性理
人所固有而窮而盡之未可易議非上智之人則不
可也至矣哉先生之學自明而誠於聖域幾矣人孰
能知之嗚呼盛矣此時禪家主之儒家奴之外儒內
禪者滔滔不得不辨而論之有難之者曰北窓之果
非禪學以何而保之耶曰先生自著家訓泊行狀遺
事先生心跡純是真儒少無伊蒲塞氣味以是而知

之矣後生追論前脩舍實錄遺事而何求之哉古玉先生亦夷澹君子也凡人與北窓先生相去千萬古玉之於北窓生之先後道之淺深皆兄弟也弟之於兄所爭不多由此論之則古玉之道亦至矣其詩集則一時名公巨卿序跋至矣無以加焉然而二先生之道不在乎詩也花山青霞道人權克中謹書

北窓先生詩集目錄

五言古詩

詠白鷺

七言古詩

放歌行示兒

自挽

五言律

偶吟

元日書懷

洛山

贈金剛上人

芙蓉堂

七言律

自述

五言絕句

關東茂松亭

八月癸丑地震

梨花

叢菊

山齋夜吟

懷朴希正

朝二弟軒號

携朴君實

枝華

舍弟君敬向奉恩寺舟中作

七言絕句

山居夜坐

黔丹寺雪景二首

登尾嶺望三角山

九月二十九日始見菊

詠朴君實盆蓮二首

耳鳴

贈智玄上人

訪表兄可遠

詠梅

至日關東按使寄人參

酬朴君實三首

關東馬上作

四仙亭

先覺巖偶吟

五祖溪

惹秀山

練光亭下泛舟

自浮碧樓馬上奏樂夜入城

遼陽客館作

鳳凰山

戲答戒酒

聞花潭捐世

讚

金香墨讚

遺訓

北窓先生詩集

五言古詩

詠白鷺

白鷺立清灘皎潔毛羽新村童不曉事錯比忘機人
一念在窺魚歎爾心匪仁

七言古詩

放歌行示兒

若有人兮倡狂衣不帶芳冠不纓上托天兮下拓地
傍挹日月之精靈寄生溟海之溟兮芳類楚囚之悲吟
言不見信兮行莫余知援北斗而披襟與濁世而浮

沉芳酒肆藏名芳四十春
明朝舉臂揮斥宇宙芳與
鴻濛而為隣

自挽

一生讀破萬卷書
一日飲盡千鍾酒
高談伏羲以上
事俗說從來不掛口
顏回三十稱亞聖
先生之壽何其久

五言律

偶吟

早稟中和氣長懷太古心
閑傾有限酒靜撫無絃琴
蘿月是佳客松風真好音
翛然北窓下幽興古猶今

元日書懷

往事追成悔，塵機肯再尋。
堆金終害道，拖紫只勞心。
魂夢西湖近，襟懷北斗臨。
曉窓聞喜鵲，勸向舊雲林。

洛山

靈區偷鬼秘，飛步不容登。
綠骨經三洗，丹砂就九蒸。
最憐人換世，幾度谷為陵。
汗漫吾當御，相携子豈能。

贈金剛上人

千峯環一屋，趺坐夜談空。
下界秋將半，天心月正中。
只緣塵事少，自覺道情濃。
擬欲追飛錫，金剛翠幾重。

芙蓉堂

萬柄森如束朱欄壓小塘碧翻新蓋舞紅褪舊衣香
幽夢驚微雨煩襟滌晚涼時看淥淨處相對浴鴛鴦

七言律

自述

手把青蛇斷世緣幾從笙鶴上蒼天曾經物外三千
劫又謫人間二十年肘後丹方探寂寂腹中黃卷摠
玄玄蓬丘桃熟須臾事塵海茫茫歲屢遷

五言絕句

關東茂松亭

沙店連孤島蕭條八九椽漁舟橫別渚收網夕陽邊

八月癸丑地震

不息天行健無成地道卑誰能移劫石為我鎮坤維

梨花

屋角梨花樹繁華似昔年東風憐舊病吹送藥窓邊

叢菊

巖畔一叢菊鱗鱗抱晚香風霜終自若誰肯慰孤芳

山齋夜吟

孤月掛天末秋風薄暮時清輝流入戶遙託片心知

懷朴希正

望眼遮遠山而不隔明月平生宿昔心共此寒皎潔

朝二身軒號

十竹既云足萬竹何所為首陽有孤竹清風千古吹

携朴君實

枝華

舍身君敬向奉恩寺舟中作

孤烟橫古渡落日下遙山一棹歸來晚招提杳靄間

七言絕句

山居夜坐

文章驚世徒為累富貴薰天亦渴勞何似山窓岑寂
夜焚香默坐聽松濤

黔丹寺雪景二首

山逕無人鳥不回孤村暗淡冷雲堆院僧踏破琉璃

界江上敲冰汲水來

其二

推却禪窓首一圓前郊昨夜雪成堆
箇中無物酬清賞為遣沙彌掇酒來

登尾嶺望三角山

荒村古木嘯飢鳶蘆荻蕭蕭薄暮天
立馬溪橋回首望蒼山遙在白雲邊

九月二十九日始見菊

十九廿九皆是九九九月九日無定時
多少世人都不會滿階惟有菊花知

詠朴君實盆蓮二首

羣芳撩亂媚東風
過眼忽忽似夢中
最好小齋長夏日
清香一陣隔簾櫳

其二

牢落乾坤着此翁
半生襟抱與誰同
閑來讀罷瀟溪說
靜裏方知造化功

耳鳴

如鐘如磬如簫笙
造物憐人應有情
知我平生愛丘壑
枕邊故作松風聲

贈智玄上人

熟視無言心已契通神何必舊相知從來大道無南北不向山僧問所之

訪表兄可遠

日午歸來訪李兄兩行垂柳夾溪青小窓風定無人過時聽流鶯喚友聲

詠梅

千林寥落掩柴門誰信寒梅尚有魂直待東風吹一陣暗香和月動黃昏

至日關東按使寄人參

地底潛陽一脉回靈區遙寄紫參來自從金匱傳神

法頗覺丹田活火開

酬朴君實三首

道同嘉穀要除蝗
細讀黃庭靜炷香
妙訣不煩休問
我山中石髓不曾嘗

其二

華屋人歸伴石羊
古人留意醉壺觴
與君揮手雲霄
表浮世存亡底事傷

其三

一雨蕭蕭占有秋
田翁從此不須愁
山中自可容吾
輩世上何曾挽子留

關東馬上作

收拾風烟捲入詩海山迎笑似相期千峯雨後輕雲
過又是東行一段奇

四仙亭

四仙飛上白雲端壁上靈書不改丹陳跡偶尋千載
後前身疑是舊仙班

先覺巖偶吟

塵纓初濯漢江水倦脚始休先覺巖更有真坊在高
頂掉頭歸去學三緘

五祖溪

有天使龔用卿書

百尺危巖峭削成巖前清淺小灘橫海西山水應無數賴有龔君獨擅名

葱秀山

奔泉觸石鳴珠佩峭壁挽天擁畫屏三十年来塵土夢對君佳處喚能醒

練光亭下泛舟

亭壓澄江江遶城風流昔日但聞名滿船歌管斜陽裡興盡還添感古情

自浮碧樓馬上奏樂夜八城

長慶門前明月時嬌姬爭唱步虛詞洛中豪士風流

甚懶着金鞭故自遲

遼陽客館作

空齋誰肯問離居絕域窮秋鴈正踈
鴨綠江西鄉使少相思難寄一行書

鳳凰山

突兀尖峯見未曾西風吹過正稜稜
壯心擬借遼東鶴跨上重巒第一層

戲答戒酒

日飲千鍾吳萬戶蒼顏白髮如神仙
鶯房不飲一杯酒年未三十歸黃泉

聞花潭捐世

病中聞說花潭逝驚起推窓占少微死者如今不可
作強顏於世欲何依

讚

金香墨讚

身色真金兩足尊耶玄而又玄衆妙門耶其德馨香
愈遠而愈存者也

遺訓

事父母以孝悌為本待妻子以和順為先居家以節
儉為要處世以謙退為務勿做高官爵而居卑勿托

昏於高貴之家時和則可以祿仕世乖則退去林野
力畊自給凡祭祀一依朱文公家禮叅以俗禮務合
人情子孫中敢有交結無賴荒淫無度敗倫滅德無
所忌憚者田民全不給有嫡長子孫者半減餘之鳴
呼聖謨洋洋布在方策予言何賴焉近思錄小學書
初學之逕蹊而世俗不之者予言雖毫勿以為尋常
子孫世世相守佩服勿失

北窓先生詩集

八

北窓先生詩集補遺目錄

五言律

贈老妓

七言絕句

登靈珠臺贈會上人

在山中聞友人被湖堂之選

偶吟

五言絕句

送舍弟君敬讀書江舍二首

北窓先生詩集和遺目録

一

北窓先生詩集補遺

五言律

贈老妓一云兄弟聯句

傾國名花秀嬋娟
楚水傍自憐
遊賞晚剛被曉風狂
嫩綠初成子殘紅尚帶香
誰將舊時興行樂趣餘芳

七言絕句

登靈珠臺贈會上人

浪跡東溟四十春
會師何以見吾真
靈珠臺上一長嘯
拍手塵寰醉夢人

在山中聞友人被湖堂之選

故人選八絲綸閣老子來投筍簾鄉空谷他年聞好
語彙征變高做虞唐

偶吟

飽腹便便信手摩頽然就枕入無何斯須一念浮雲
滅回首人間已爛柯

五言絕句

送舍弟君敬讀書江舍二首

天遠山如黛江空月似波投閑乘小艇沽酒向漁家

其二

江流長浩浩不舍到滄溟造道當如此蹇蹇體至誠

古王先生詩集目錄

五言古詩

安興池上與洪彥誠慶憲飲

七言古詩

偶題

五言律

伯氏挽

木村偶吟

携高兩順敬命遊北山

砂井

陪守菴朴枝華君實格菴南師古景初訪李彥

愉

呈守菴

題楓嶽上人軸

憶楓嶽

寄尹敬修

過翼襄公李蕨墓

寄原城君

元日

拜願菴礪城尉宋寅墓

寄高因厚

善健

次友生寄贈

興教寺夜坐

唐文守挽

有感

安山客舍

山中卽事

古藏菴憶高而順

壬辰秋荒谷作

寄鄭禾谷夢與無示李士述

聞子規二首

贈鄭禾谷夢與

一號四明

春州化糧

贈韓百謙

鳴吉

次贈姜君信

贈李主簿

希龍

九日

向清平山留別沈使君友勝

留別永叔

憶姜潛

憶李丈太灝

過守菴舊居

題禾谷悠然堂

別蔡善餘

偶吟

登海州抱月亭

別海州朴通判

明樽

五言排律

寒碧樓

七言律

送李琴師守種

西湖漫成

題鄭仲實精舍

維揚道中

拜陽川先祖墓

示嘉吉兄弟

憶維揚

題尹慶餘松堂卷

夜坐有懷

登滿月臺

病餘言志

歲暮有感

古巖遇重陽

登古巖後嶺

書菴壁

寄韓柳川浚讌乞丹材二首

橫城村舍寄柳川

亂後榜會

與姜天用韓聖游携酒登蚕嶺

金村漫興

金村聞鶯

題李景鎮開天精舍

彈琴臺

獐山曉吟

洪州村舍示侄之謙

秋懷

五言絕句

憂樂亭偶吟

送萬竹兄別後作

迎賓院

園亭

寄姜燦德輝

訪鄭元聖兄弟

西江蚕頭別成牛溪

許由圖

書壁上

山齋曉吟

送黃慎思叔使日本

題上人詩軸

七言絕句

八仙亭夜吟

陪守菴飲話于鄉校洞第

牛耳道中

檜巖洞口

偶吟

降仙樓

登駱峯

維揚道上作

送宋靈老遊松都

訪尹秀才希宪有感

漫吟

詠棗樹

四月食蓴

砂井

陪守菴登牛耳後嶺

重九寄元吉

嘉吉第觀碁

寄李忠卿

登羣山倉後嶺望海

韓太和送酒

送永叔

驪江送別

讀道書

漫吟

朝起戲書窓紙

山中即事

陪南東岡彥經遊清平憶真樂公梅月堂二首

朝向長林洞

偶成

夜宿松月堂

與友人飲話偶成集句一首

燕岐客舍病中吟

山北村

烏洞村舍

山人法雲索詩于西湖次元韻以贈

盧氏亭有感二首

旅窓

始聞守菴訃二首

偶吟

病憶成退夫以斂

海州李通判送酸酒戲贈

寄峒隱李義健

古玉先生詩集

五言古詩

安興池上與洪彥誠慶憲飲

安興百頃池下漑千畝田松檜擁千嶂不知開鑿年
我來月正初雪壓層冰堅飛步兩島間恍御泠泠然
聞昔黃武妓舞袖翻重淵至今秋雨夜寃響雜哀絃
茲事已千載漫憑耕叟傳吊古一痛飲寒日下危巔

七言古詩

偶題

以小日逐高陽徒中歲沉冥仍不止晚知靜坐真有

味傍舍酒熟呼不起頭流楓嶽入夢想金碧叅同供
奧旨圖南思邈是我師却老住世猶可企

五言律

伯氏挽

慟哭吾兄逝傷心欲問天修文繼亞聖厭世化胎仙
寂寞三生話風流萬卷篇乾坤卓先覺大夢忽悠然

木村偶吟

人日隔三日轉添春氣溫雪消溪自咽雨過鳥相喧
早柳看前岸新梅憶故園那堪時序變脉脉倚柴門

携高而順敬命遊北山

咫尺藏真境無人解訪尋武夷竒且絕盤谷窈而深
余亦樂山者知君看水心登臨興不盡秋日易西沉

砂井

試向前岡望郊垌屬晚晴白雲秋更潔紅樹暮偏明
霜重冥鴻冷林疎宿鳥驚不愁溪路暝涼月伴人行

陪守菴朴枝華

君實

格菴南師古

景初

訪李

彥

尋君南嶽下地僻斷人蹤庭靜來山鳥窓虛引竹風
烟嵐栖戶外蒼翠入尊中余亦忘機者頻過笑語同

呈守菴

地僻人過少身閑病起初向來迷醉夢今始愛吾廬

簷影微暄後，鑪香淨掃餘。從茲試三靜，作計未全疎。

題楓嶽上人軸

昔年隨伯氏，相與鍊丹砂。鼎有淮王藥，人傳許掾家。
朱顏今已暮，白髮但長嗟。楓嶽神仙窟，空勞夢紫霞。

憶楓嶽

借問主人翁，胡為塵土中。眼從人作白，頰已鏡凋紅。
嘗讀子平傳，永懷思邈風。春來欲何向，一萬二千峯。

寄尹敬修

草草一男子，不知何許人。向來齊得喪，那復見冤親。
白首叅同契，紅顏麴米春。心期空墜地，拍手向蒼旻。

過翼襄公李蕋墓

北山荒草裏一片翼襄墳香火昔猶絕雲仍今得聞
姓名傳野老勲業際明君關塞方多難沉思倚夕曛

寄原城君

憶與慕灘老相期覆鼎遊曉吟雲際寺春宿澗邊樓
存沒誰青眼悲歡共白頭病中看節序襄抱劇悠悠

元日

元日維揚路蕭條病客心孤村一犬吠落照數峯陰
事去渾如夢春回祇費吟殘生任飄泊敢恨少知音

拜頤菴

礪城尉宋寅墓

公逝已三載我来封樹秋寸心長耿耿萬事劇悠悠
肯顧黃塵鬧應乘白鳳遊空令羊季子駐馬哭西州

寄高曰厚

善健

至後連殘臘音書八九回雖聞安健報要待玉人來
鹵地春風冷山城暮角哀此時何悄悄襟抱向誰開

次友生寄贈

但恨尊無綠寧愁鬢易華試看浮世上誰識好生涯
賸有榮期樂休憐甯戚歌暮年湖海興分付一漁蓑

興教寺夜坐

興教前朝寺兩年三度來山空暮鐘遠月白秋聲哀

浮世身為累窮途老更催
禪房借一宿強勝走塵埃

唐文守挽

忝識王孫久英標每起欽
東平為善樂子政愛君深
命矣何嗟及汪然自不禁
北山呼酒地春草更傷心

有感

誰挽天河水洗來今古愁
英雄空衮衮出處漫悠悠
四壁書千卷孤燈酒一甌
暮年農畝計江海有扁舟

安山客舍

動止誰非數天寒匹馬行
獨來虛館暮端費主人情
古壁殘燈冷空樑鬬鼠鳴
菟裘自有地不必強謀營

山中即事

衆山環一壑暮色易蒼然松際月微出林梢露欲懸
晚峰供活畫幽澗奏鳴絃賸得巖居趣從茲息萬緣
古巖菴憶高而順

自從多難後蓬轉託祗林老易忘機事飢還養道心
秋高山並瘦日暮鳥和吟何處堪棲息江南有賞音
壬辰秋荒谷作

避地轉東北名區無處尋偶攀雲磴滑試入石門深
衆瀑晴雷壯千峯畫戟森平生愜幽賞盡日費閑吟
寄鄭禾谷夢與無示李士述

郊甸尸猶積京都虜尚喧東風釀霜雪殺氣滿乾坤
厭亂愁兼病啼飢女又孫窮途無可伏幸有故人存

聞子規二首

劍外稱皇帝人間託子規梨花古寺月啼到五更時
遊子千年淚孤臣再拜詩愁腸一斗斷何用苦催悲

其二

望望望西蜀棲棲棲海東千秋啼有血萬里路難通
易斷還鄉夢能沾去國膏空山聞夜月懷抱幾人同

贈鄭禾谷夢與

一號四明

借問四明客胡為客我狂襟懷貴同調出處自無妨

清望雖雲路高懷只野庄
鑑湖秋水濶會訪賀知章

春州化糧

久留妨主許遠適奈兒疲
八夏更無食就松方剥皮
處貪元未易遭亂復何為
壽春人物數誰問子桑飢

贈韓百謙鳴吉

半生繩檢外自與世情疎
一見漢陰丈同觀濠上魚
寬閑退之野寂寞子雲廬
會待歸歟日相期賦遂初

次贈姜君信

寂寞元吾分風流本不任
未成千日醉空抱百年心
庭樹秋偏響山蟬暮獨吟
風塵迷故國西望一沾襟

贈李主簿希龍

亂後三年客長為一飽謀
寒山問古寺暮雨倚孤舟
身遠誰青眼時危易白頭
相逢却相別衰抱劇悠悠

九日

九日照陽渡孤舟泊岸沙
人情懷令節客意愧黃花
流轉身何托艱虞鬢已華
龍山今夕會誰復落烏紗
向清平山留別沈使君友勝

二載羈危客孤懷說向誰
感君敦信義憐我問寒飢
秋氣蒼山瘦人情白首知
從來賞音少歲晚共幽期
留別永叔

骨肉相逢地荒山歲暮時兵戈餘故里堂構只空基
覽物空追昔停杯復語離乾坤俱白首世亂欲何之
憶姜潛

姜老已云逝吾懷誰與開當時歌管裏每憶笑言陪
世事翻成夢江聲故作哀無由對宿草空愧負泉臺

憶李丈太灝

落落楓溪老風流我所師尊中北海酒筆下謫仙詩
一別仍長夜餘生能幾時依然屋樑月猶想舊形儀

過守菴舊居

四十年重到依稀烏洞村危墻數片在老樹幾行存

暮景猶殘淚霜風忍展墳探頽關世運天道更堪論
題禾谷悠然堂

彭澤歸來日田園屬暮秋不憂家立壁但喜酒盈甌
境僻人誰問心閑道可謀南山當戶在相對意悠悠

別蔡善餘

十旬為客處青眼向君開語到杯觴軟情從喪亂哀
鄉心春並動別意老難裁明日中原路空令首屢回

偶吟

強為兒孫計經年尚遠遊初看山帶雪已度葉凋秋
目斷鳥飛外山遙天盡頭歸心與江水日夜向西流

登海州抱月亭

縹渺南江岸登臨抱月樓我憑橫檻立人道半天浮
世事看千變生涯付一舟殊方空白首歸意逐東流

別海州朴通判明搏

首陽賢別駕三載便還鄉父老爭遮道親朋共斷腸
春風吹祖席老淚落離觴尚想斑衣舞翩翩具慶堂

五言排律

寒碧樓

清風真絕境寒碧最名樓枕對屏中壁窓臨鏡裏舟
應經回老過定有羽人留嶺月如迎客江楓轉借秋

初疑遊閬苑倏覺到瀛洲永嘯來詩句長歌替酒籌
身堪試雲鳳心欲近沙鷗却愧塵埃底空令雪滿頭
洪學官春壽云枕對窓
臨之句寒碧樓題茅一

七言律

送李琴師守種

一本浥作洗無人
作心禁作遣

節迫三三三日纔東風吹雨浥輕埃故人千里有行
色老子一春無好懷北郭無人問花柳沮江何處倚
樓臺繁華難禁故園思鷓鴣轉上林來不來

西湖漫成

烏鴉陣陣拂雲飛紫陌遊絲看轉微是處芳原人盡

古三先生詩集
醉幾家晴日繡成圍桃花政漲三春浪楊柳初陰一
片磯料得免教漁父笑夕陽江路醉扶歸

題鄭仲實精舍

聞君新構占清幽老枿脩篁繞碧流架上有書兒可
讀門前多秣歲逢秋平生雅志今應了餘事榮名不
足求自幸題詩還自恨十年江海去無由

維揚道中

匹馬十年西復東維揚今日又秋風山如圖畫白雲
外路入招提紅樹中湘水何須吊屈子鹿門終擬問
龐公隱淪經濟各天性我亦初非田舍翁

拜陽川先祖墓

巴陵南畔南山下舊隴依然小洞開
憶侍先公叅後拜忍來今日奠
簞杯草間翁仲如相識澗底寒流自
作哀日暮雲移不歸去手攀松柏重徘徊

示嘉吉兄弟

底事勞勞一夢間朱凋雙頰雪盈冠
百年毀譽身如寄千里雲山眼亦寒
撫劒悲歌塵世窄當樽浩笑醉鄉寬
傍人莫道知音少松際蟾光八小欄

憶維揚

老去都將世事捐閉門高卧任安便
空階聽滴催花

雨故里思耕種秫田竹院屢逢禪客話柳磯時伴釣
徒眠興來未覺清無寐空負歸期已十年

題尹慶餘松堂卷

坡川甲第擅園林中有蒼松挺幾尋祇為相公曾見
撫故應封植到如今一秋疎韻回廊靜六月涼陰古
院深三世且看芳操在正須同此歲寒心

夜坐有懷

僑窓獨坐數深更夜靜惟聞落葉聲歲月關心秋又
暮存亡瞥眼夢猶驚綠愁白髮空千丈救老黃庭只
一經已厭人間足煩惱幾時重訪衆香城

登滿月臺

落日登臺滿目秋不堪興廢兩悠悠
功成統合名空在樂極荒亡事亦休
龍起朔方當王氣兵連遼塞豈人謀
曾瞻松柏烏江廟可是今周德業優

病餘言志

書生身世儘悠悠晚向城東寄卧遊
雪已滿顛丹未就家徒立壁醉難謀
向來筇杖扶持久何處春山筍蕨抽
為報阿咸能會否令人却憶會溪頭

歲暮有感

素志初期不愧余却因憂病學浮沉
將殘伯玉知非

歲便有淵明止酒心樂莫新知妨守拙口須世事合
成音通通儼鼓還非惡解使幽人費一吟

古巖遇重陽

重陽無酒憫佳辰古寺寒花寄老身漳水可憐多病
客楚江誰笑獨醒人殊方落日空鄉淚故國西風尚
戰塵想得飄零諸子弟路歧何處各傷神

登古巖後嶺

牲川山險費攀躋絕頂清秋倚石枌平楚晚連紅樹
遠亂峯遙帶白雲低風塵荏苒三軍老關塞崎嶇八
馬迷心折更堪回首望夕陽應過潁江西

書菴壁

空山秋氣日蕭森寂寂僧廬動越吟不怕連峯妨極目長憐落日伴歸心遙知澗水應朝海日見棲禽自返林誰念殘生逢世亂一年關嶺病侵尋

寄韓柳川浚謙乞丹材二首

還丹無術變星星任運冥心養性靈老去光陰看逝水亂餘身世逐流萍人間俗眼紛紛白夢裡鄉山點點青百感中宵成獨坐旅窓簷雨更堪聽

其二

人生年少不重来灾疾還隨暮景催鍾鼎功名元視

夢是非憂樂肯開懷公厨寄食初非計異境求田倘
有媒神藥易枯時易逝使君那忍惜丹材

橫城村舍寄柳川

湖海相逢本不期殘年莫樂得新知生憎造物偏多
忌必遣浮生易語離孤店月明人寂寂荒郊日落馬
遲遲碧雲悵望東南遠目斷征鴻有所思

亂後榜會

二百同年四十年昇沈存沒夢依然豈知亂後還青
眼且喜樽前各白顛萬事向來那忍說七人今夕最
堪憐浮生是會無多得須遣新詩記此筵

與姜天用韓聖游携酒登蚕嶺

城郭行穿十丈埃西湖風景馬頭來雲寒汀樹翠幢
立日照海門寒鏡開賴有故人能置酒仍呼詞客更
登臺百年此會無多得餘事悠悠付一咍

金村漫興

豐壤之南東郭東數椽聊寄亂來蹤靜中事業梳千
下林下風流酒一中客有可人真是樂詩因漫興不
須工三分百歲今經二得喪榮枯過耳風

金村聞鶯

七年南北困風塵晚向湖田寄老身客意已無佳節

古先生詩集
與鶯聲忽似故園春五侯池館笙歌咽九陌烟花錦
繡新回首繁華摠成夢白頭存沒更傷神

題李景鎮開天精舍

尋得幽居碧澗濱清談相對坐回春釣魚呼酒能留
客據石臨流似傲人俗物何緣來敗意衡門可以穩
棲身煩君說與分山事一半開天未是貧

彈琴臺

高臺直壓碧江濱二老遺蹤七百春筆落金生誰繼
法琴翻于氏更無人吟邊谷鳥如相和亂後巖花尚
欲顰萬事向來君莫問且將樽酒醉芳辰

樟山曉吟

前溪昨夜欲生冰
旅枕孤衾已作稜
老去未應成曉夢
亂來那復忒晨興
誰知萬事無心客
自是三生有髮僧
萍梗東西與南北
十年孤負讀書燈

洪州村舍示侄之謙

秋風策蹇訪湖廬
北載重來一夢如
骨肉團圓堪共被
親朋凋落欲沾裾
風塵關嶺身全老
城市山林跡兩疎
擬辦餘生同契濶
一丘三畝許爰居

秋懷

百虫聲裡籌餘生
蓬轉殊方儘可驚
人與曉星同散

籌本竹
下美字
餘倣此

落髮隨秋葉共凋零十年往事渾無跡半夜羈懷最
不平忽省故園何處所五雲東望是神京

五言絕句

憂樂亭偶吟

遠遠沙上人初疑雙白鷺臨風忽橫簫寥亮江天暮

送萬竹兄別後作

酒醒攪離思霜風鳴曉林尋常碧蹄館今夜隔千岑

迎賓院

古院依喬木長年不閉門客來還自去山鳥為慇懃

園亭

落日重門靜
烟花別院深
清池映白髮
偏覺惜春心
寄姜燦德輝

萬里天猶凍
重城歲已闌
閉門三丈雪
何處卧袁安
訪鄭元聖兄弟

清晨來叩門
杏花如延客
取醉莫論錢
光陰真可惜

西江蚤頭別成牛溪

甲午九月

清秋日將暮
獨立大江頭
萬事傷心處
翻添別淚流

次韻留別古玉

成牛溪

一棹滄溟遠
歸心白盡頭
知音逢古玉
荆璞泣同

流

許由圖

寂寂箕山叟平生不見走一瓢
喧尚厭邦肯聽簫韶

書壁上

嗟卑心已斷怕死意難忘
永日南窓下惟修辟穀方

山齋曉吟

清曉初陽麗千林錦繡明
山頭淡月在山腹白雲平

送黃慎思叔使日本

此行休云云君當盡其職
達可也無妨堤上亦不惡

題上人詩軸

自笑嬰塵網勞勞片夢間
生涯一瓶錫天地爾為閑

七言絕句

八仙亭夜飲

碧空雲盡露淒淒
缺月斜懸古寺西
此夜八仙亭下
飲慇懃聽到五更鷄

陪守菴飲話于鄉校洞第

一場燈下好懷開
墻角何人送酒來
俯仰十年人事
改傷心忍把舊時杯

次韻

守菴

十分天上桂花開
東里西隣取次來
莫道人生便
陳跡十年詩律十年杯

牛耳道中

東郭之東白楊路行人駐馬一傷情
童童碧樹塚間立布穀無心來勸耕

檜巖洞口

梵宮金碧聳晴空烟樹參差夕照中
落葉洞門深一尺馬蹄歸路錯西東

偶吟

春風吹客客思歸南鴈雙雙正北飛
極目故園三百里亂峯無數白雲隈

降仙樓

柳外清江江上巖巖花江水影相涵晚來風送西山
兩人在高樓倚半酣

登駱峯

纔登後嶺壓千家中有街衢縱復斜盡日紛紛車馬
過不知誰解好生涯

維揚道中作

昔逢嘉節喜如狂兄弟翩翩舞北堂羸馬今朝向何
處人言明日是重陽

送宋靈老遊松都

滿月高臺紫霞洞春風何處駐吟鞭請看萬丈姑潭

瀑白日雷霆轟洞天

訪尹秀才希宪有感

春年子也

二十年来事已非舊時庭院亦依稀
白頭惟有羊曇在露菊霜楓滂一揮

漫吟

山林城郭兩無依朝出樓樓暮獨歸
因病一旬深閉戶方知四十九年非

詠棗樹

桃李叢中若朽枝東君無意寄芳姿
薰風乍著花如粟直到秋來纂纂垂

四月食尊

冰絲欲活鏡光中
四月銀尊興已濃
千載區區笑張翰
強顏何事待秋風

砂井

一溪流水平山開白石題詩坐
綠苔盡日逍遙人不見
却將幽興緩歸來

陪守菴登牛耳後嶺

日落水流無歇時
丘原獨立有餘悲
請看南北累累塚
盡是先生學道資

重九寄元吉

古玉先生詩集 十一
世人最重重陽節未必重陽引興長若對黃花傾白
酒九秋何日不重陽

嘉吉茅觀碁

風雨淒淒欲暮秋菊花方坼晚荷愁重門深閉回廊
靜時有碁聲子子幽

寄李忠卿

忽聞隣舍守庚申深夜尊前語笑頻兩卷黃庭香一
炷寂寥誰問靜中人

登羣山倉後嶺望海

層丘迢遞壓登萊遼塞風從萬里來吳楚乾坤真戲

語洞庭終古小於杯

韓太和送酒

二月長安雨洗埃
烟花處處護樓臺
夕陽乘興登東嶺
何意韓公送酒來

送永叔

離別中年鬢似銀
一杯今復柳條春
荆江正漲桃花浪
山巖登盤間錦鱗

驪江送別

春江一棹送將歸
挾岸桃花浪打衣
我醉不知離別苦
夕陽西下轉依依

讀道書

平生壁立無長物况值經年喪亂餘老病如今猶怕
死枕中惟貯鍊丹書

漫吟

朝朝穩著黃綿襖夜夜恒餐續命芝近得回仙三劍
用暮年作計未全癡

朝起戲書窓紙

不悟浮生是夢中競將謀智賭成翁夜来自笑千般
計每到明朝便一空

山中卽事

翠壁丹楓絢曉晴坐看初日又東生白雲似繞青山
腹滄海無端眼底平

陪南東岡彥經遊清平山憶真樂公梅月堂

二首

息老清風五百年早從真訣達真詮我來人去菴猶

在回首雲空一悵然

右真樂公

其二

清隱平生養浩然非禪非教亦非仙可憐空負經綸

手幾住雲蹤此洞天

右梅月堂

朝向長林洞

風生澗谷水鳴沙知是前宵山雨過西崦人家春欲

暮竹籬深處野桃斜

偶成

碧烟芳草欲黃昏谷口村村政掩門杜宇一聲山月
白蒲庭香雪自紛紛

夜宿松月堂

小雪灑窓風力細夢中渾作煮茶聲覺來半壁燈光
盡一炷香烟繞短檠

與友人飲話偶成集句一首

樽酒相逢十載前中間消息兩茫然勸君今夜不須
睡一去不回惟少年

燕岐客舍病中吟

卧病經旬滯異鄉
清秋一日九回腸
故園想得諸康樂
應把黃花壽北堂

山北村

溪回路轉揔依然
匹馬經過已十年
記得西村三月暮
杏花籬落雨餘天

烏洞村舍

五更殘溜夢初回
清曉蓬窓向野開
麥隴青青村柳綠
十分春色雨中来

山人法雲索詩于西湖次元韻以贈

古玉先生詩集
三
雨暗平湖送晚涼
白衫團扇卧匡床
上人乞句還多
事贖以吾閑笑爾忙

盧氏亭有感二首

先公當日此留題
屈指于今歲月迷
徙倚赤欄將落日
笛聲高起鴈行低

其二

野外長江江外山
孤烟落日渺茫間
偶然今夕堂前景
空向佗時畫裡看

旅窓

高秋寒雨五更頭
落木聲中歲月流
人靜小堂無夢

寐不禁鄉思滿衾裯

始聞守菴計二首

文星相映少微星昨夜收芒上杳冥
小子一聲霜野慟倘從九萬感英靈

其二

玉立襟懷秋月寒清標自是列仙班
天高九萬神長往歲度三千鶴倘還

偶吟

秋風莫上最高樓望斷鄉山不盡愁
黃菊赤楓紛四野可憐清漢日西流

古玉先生詩集
三十一
病憶成退夫以敏

病裡思君十二時
枕邊孤夢也追隨
向來恨殺相逢晚
今日羨他初不知

海州李通判送酸酒戲贈

味酸衙釀人皆厭
獨我斟來喜滿顏
滛者好酸真戲語
吾今三十六年鰥

寄峒隱李義健

殊方為客鬢蕭蕭
況值秋山萬仞高
范叔一寒今若此
故人誰肯寄綳袍

古玉先生詩集補遺目錄

五言律

庚戌夏在硤井次萬竹兄韻

携高而順遊北山

果川道中逢趙徹士惕拉余訪霜草里宣城令

飲話主人求題壁

許子休挽

送成上舍好善遊楓嶽

送李愉愉彦愉赴京

雙阜縣贈劉生

古玉先生詩集卷之五
柳之新亭上作

送李彥讓上舍還鄉

靜養席上醉贈分素將赴中和

訪古巖菴

書旅窓

有懷守菴二首

寄久菴韓百謙

平原旅舍別鄭紫巖擇而

送鄭四明

江都村舍偶吟

通津客舍作

送尹暉靜春赴京

苦雨偶吟

新溪道中

七言律

重陽日感舊

八砂井洞舊路為雨所斷感而有作

癸丑秋與高而順寓泮宮東里夜吟

砂井

凌虛亭

古詩集卷之五
呂陽德世平挽

病起自勉

寓臨陂清神堂寄苔槎

上柱寺夜吟

聞湖南勤王兵至

示同伴

趙內翰遂初見訪且言苔槎將舉義兵云喜賦

海虜

感舊

東崗在春州時索詩甚勤追述鄙懷寄呈

崔秀才茂伯索小軒詩遂鴈

亂離

韓鳴吉金伯蘊告别索詩

中原贈朴孝元

別禾谷

憶後兒

漫興

芙蓉池上醉贈崔半刺叔韞

月夜寄柳川

書洪川張希雲林亭

將向清平寺示沈重卿二首

寄韓鳴吉

漫興

贈尹可晦昉赴鐵原二首

五言絕句

南川道中曉占

書示

靈國洞與二三子遊

慎勿欺茅醉賦

次北窓兄韻

偶吟

七言絕句

送林上舍廷俊還鄉

寄李仁瑞

憶萬竹兄

登駱峯

耳鳴

韓聖源上壽慈氏

大興洞

過柳仲益故居

偶吟

蔡氏亭

過完川仲溫故居

寄松溪

次尹知樞寄贈韻

漫吟

寄高城太守

憶高善健

偶吟

曉占

書懷憑寄苔槎父子三首

曉占示東崗金伯蘊李君信

陽月初六化粮于觀佛翌朝偶吟

憶靜養堂

有人始傳苔槎前七月戰沒于錦山因厚亦赴

死云遂用哭守菴韻二首

寄呈松江

示韓柳川二首

朝起

謝姜德輝送魚米

八城

三清洞

中元

野杏

雨後卽景

病餘寫懷二首

次申上舍韻

贈鄭斗源

春日偶吟二首

贈姜信仲

謝中原別駕送酒

題李景鎮精舍記所見三首

寄呈西川汝仁

醉吟

別金善胤之湖南

古玉先生詩集補遺

五言律

庚戌夏在砂井次萬竹兄韻

三年添我淚絃絕為簷墳荆樹無窮恨
鵠原幾箇人連床姜被夜聽雨謝塘春
湛樂須當共誰曾廢懿親
携高而順遊北山

偶爾牽秋思行行到澗邊巖楓初染赤
野菊亦爭妍人物還吾輩山川似去年
松醪拚一醉歸路正蒼然果川道中逢
趙倣士惕拉余訪霜草里宣城令
飲話主人求題壁

古三先生詩集卷一
柳橋將渡處爰有杏花村公子能邀客芳醪正滿樽
郊原供霽色江浦落潮痕不用忽忽過嚴城早閉門
許子休挽

執友逝何處哀懷與誰陳人方下石日獨許斷金親
滿耳忠規切關心故宅貧平生感德淚白首一沾巾
送成上舍好善遊楓嶽

每憶東遊海長嗟鬢已斑十年如昨日一夢到神山
日照金仙頂秋澄玉笋班因君動高興直擬控青鸞

送李愉愉彥愉赴京

衆棄容吾拙當尊更恕狂獨收端取恠永矢敢相忘

許國輕千里朝天趁一陽熟知王事重別意自茫茫

雙阜縣贈劉生

劉與亡友崔監
司弘間相善

石友成千古天南不數人豈知江海畔還復見元賓
脉脉心初苦溫溫意轉親休論徃時事且盡一壺醇

柳之新亭上作

絕勝西山麓新亭特地宜名區元自別俗眼得先窺
江淨沙明夕春晴野綠時憑欄一曲眺清興儘供詩

送李彥讓上舍還鄉

泮林春意動南客却思鄉身逐白雲去夢隨青草長
無能縮地術空賦別知章三月鶯花開香醪孰共嘗

古三先生言集卷之
二
靜養席上醉贈分素將赴中和

斜日緩禽語落花粧客衣如何餞春夕仍是送客時
行李惟琴鶴高懷肯蠶絲桐鄉喧百世何用峴山碑

訪古巖菴

溪行八九里陰樾有空菴鳥若迎人語山惟對面叅
巖楓紅半暈林果黑初甘不早桃源計干戈老得堪

書旅窓

身寄干戈際經時白盡鬚深山厭奔走異地足艱虞
卧席依村碓竹裝付擔夫回轡定何日揮涕望西

都

有懷守菴二首

一自杜堂別關河空夢思深知素患難不復念寒飢
秋肅山千仞天空月一規孤懷何耿耿倘有玉人知
其二

城闕烟塵裏山河寇盜中音書半年阻闕嶺一秋風
白首長懷德青春早擊蒙終期陪杖屨飛步訪崆峒

寄久菴韓百謙

鬱鬱適茲土棲棲端為貧惟知強笑語不復護精神
自幸逢吾子寧論後古人江樓思共宿秋月幾時新
平原旅舍別鄭紫巖擇而

已抱思鄉感秋懷更不禁風塵同作客去住自沾襟
惜別那無酒論交可斷金惟應片心在隨月照知音

送鄭四明

風塵布褐短誰道侍臣班髮值秦童白心緣魏闕丹
二年同契濶一別越河關行色艱虞裡相看涕自潛

江都村舍偶吟

亂後來江國風烟異漢陽牛羊猶布野藁結正堆場
洗盞藟醪白摩盤劈鱗黃叢談數佳政知道使君良

通津客舍作

江畔通津縣王畿最擅名沙村堆玉鱠圩戶足香

杭世亂人猶醉秋深地盡耕望中烟火鬧入道使君清

送尹暉靜春赴京

喪亂三年別歸來兩鬢霜山河空涕淚親舊盡凋亡
垂死憐同調忘年獲襲芳無端萬里別懷抱一何長

苦雨偶吟

冥冥甲子雨疑是倒銀河萬屋渾環水千畦已沒禾
羣陰滿天地一月隔羲娥會待西風起能令百體和

新溪道中

逆旅三年夢乾坤兩鬢霜浮生元草草世事極茫茫

落日鄉關遠薰風客路長蒲觴與角黍明日是端陽

七言律

重陽日感舊

病目黃花依舊開感時懷遠獨徘徊去年今夕三清
洞落日清樽百鍊臺歲月無情自寒暑歡娛有極轉
悲哀山城風雨催鬢髮泣盡松揪腸已摧

八砂井洞舊路為雨所斷感而有作

丘園宿草已離離陵谷如何又變移祥禪于今雖有
限蓼莪之痛本無期孤雲落日傷心地野水寒蕪滿
目時俯仰情懷誰識得西風吹淚自沾衣

癸丑秋與高而順寓泮宮東里夜吟

減却蟲聲漏正長坐看寒月上東牆前村白酒初開
甕後塢黃花尚傲霜醉裡生涯空漫浪愁邊世事莫
思量百年與爾歡娛地水北山南俱我鄉

砂井

災疾相隨雪半頭壯圖無奈與仇謀爭將白眼酬青
眼宜把黃流對碧流故里祗堪回馬首暮年端復感
狐丘新墳宿草元多淚況也空山落木秋

凌虛亭

昔在丁未秋余隨伯氏將向奉恩泊舟于此各占五絕于今二十年矣徘徊感

舊仍成近體首
與主人子磬

古三先生詩集補遺
王
憶昨同登李郭舟
高秋繫纜白蘋洲
孤雲落日渾依
舊朗月清風獨自愁
公子風標看白壁
東湖形勝擅青丘
肯留餘地容吾老
欲向蒼波共狎鷗

呂陽德世平挽

嘗聞天道與人殊
福善如今信不誣
琴瑟八旬偕享壽
絃歌百里再分符
乘龍公子金橫帶
舞彩郎君雪滿鬚
嗟我德人何遽遠
漫將悲涕送靈缺

病起自勉

經旬誰肯訪幽人
閉戶深居任病身
庭實坐看松竹
菊窓虛卧見月星辰
稍收白髮聊謀道
敢向黃壚更

問醇但患一生無定力俗塵寧礙養精神

寓臨陂清神堂寄荅槎

江南歲暮多風雪北客羈旅自不禁詩句縱圓寧遣
興官醪雖滿更停斟殊方短髮元非計末路何人是
賞音面望玉川思朗月幾時相對穩披襟

玉川淳昌別號

上柱寺夜吟

玉霏和月映禪窓擁被呼童問酒缸清景由來屬吾
輩福庭元自斷人疑徂年旅思渾無緒雪竹霜松偶
作雙寄語闍梨莫相厭野心曾已謝喧嘩

聞湖南勤王兵至

亂離身世逐飄蓬東轉西移路不窮
山木構來經暑雨僧廬環處見秋風
傷心行在關河外回首神京寇盜中
聞說南軍今北上幾時重踏軟塵紅

示同伴

十日山中九日飢了無生事可謀為
但須柳栗扶持起任使形骸坐卧疲
久絕齏鹽甘啜糲更堪蚊蚋苦侵肌
秋風倘得還鄉國可是尊前說亂離

趙內翰遂初見訪且言荅槎將舉義兵云喜賦
宸衷尚軫遠人安嶺嶠初驚蠹海蠻豈謂翠華辭
鳳闕遠巡青塞駐龍灣百年廟社烟塵裡千里河

山劔戟間南國故人香案吏可能先領義師還

海虜

海虜縱橫赤縣間折衝誰是虎臣桓百年休養生靈
血千里川原一半丹王子大臣奔北塞龍旂鶴駕
滯西關白頭何用空垂淚廊廟如今正濟艱

感舊

脩門初出綠陰時已見山中葉脫枝客路久從兵燹
斷鄉心惟許鬢鬚知不辭憔悴衰容瘦可忍淒涼稚
子飢却憶向來行樂地夜深歌舞醉歸遲

東崗在春州時索詩甚勤追述鄙懷寄呈

古玉先生詩集補遺
暖氣潛催一朶春溪山草木揔精神異方邂逅宜沈
醉此日團圓覺倍親九死形容猶滄淚二年江漢尚
風塵深知聚散從來事摻手相看鬢更新

崔秀才武伯索小軒詩遂寫

三面松岡若缺環前臨平野控江干雪峯雲岫斜陽
外遠樹長洲杳藹間地勝正宜仁智樂天開剛作畫
圖看共君終老斯為美肯許能容滕易安

亂離

亂離漂泊動經年眼耳昏聾白盡顛祖子孫并五六
口秋冬春寄兩三椽撐腸實藉挑新菜捫虱那堪擁

故繇聞道王師駐畿甸幾時重戴漢陽天

韓鳴吉金伯蘊告别索詩

吾心樂否子應知雙鬢年來滿面絲千里風塵多難
後一年河嶺遠遊時平生屈指交遊少末路關情會
合遲把酒相看空脉脉客中言別更堪悲

中原贈朴孝元

春風匹馬入中原為訪故人江上村白雨催詩花滿
眼青山當戶酒盈樽生存零落休相問得喪榮枯未
足論何幸亂餘重握手還將一醉謝乾坤

別禾谷

去年九月辭京國匹馬殊方幾獨吟湖外東西多少
路亂餘肌骨雪霜侵白頭笑我支離甚青眼知君情
義深垂死又成千里別亂山斜日欲沾襟

憶後兒

為客經年鬢盡絲酒杯詩卷但追隨貧應到骨心彌
壯老欲登山脚已衰雲隔禿湖三百里夢回郊舍寧
馨兒輕舟正擬乘桃浪一夜到門人不知

漫興

不思中夜雪堆籬却恠明窓向曙遲布被作裊寧得
睡墨池含凍但吟詩山村野店渾奇絕玉樹琪花正

陸離白酒三杯能暖老小齋清興沒人知

芙蓉池上醉贈崔半刺叔韞

猿亭崔壽城之孫云名山澤

猿亭不死士林悲有子有孫天有知我到原城逢半刺自言吾祖又吟詩清新妙句仍能誦文武全才定是誰邂逅白頭論舊事一杯相屬可勝思

月夜寄柳川

殊方端為使君來經月無留一展懷人事固知常作阻簿書何事更成堆彤雲挾日蒸千里華月流天朗九垓獨立晴沙風拂袖謾吟詩句未言哀

書洪川張希雲林亭

古三先生詩集卷之八
磯邊小等占名區呼主看來一野夫若使近京論置
堠定應求買費金珠湖山宛似神仙宅風雨真成水
墨圖安得卜隣營五畝暮年爭席却忘吾

將向清平寺示沈重卿二首

亂餘逾覺世情微踈懶何曾管是非貧病自嗟謀道
晚義洋無奈賞音稀二天恩重歸猶滯十笏房幽老
可依瘦馬羸童鶴溪路任教黃葉滿征衣

其二

拂袖欲歸誰挽之鶴溪秋水映霜髭世間萬事不稱
意夢裡浮生能幾時暫沃愁腸復有酒要傳幽抱可

無詩芙蓉峯下千般景盡是先生學道資

寄韓鳴吉

風塵無地送殘年為向深山結數椽
早識尚平知損益還聞雲谷慕真仙
劒神那得貪嗔斷鼎破難教藥
物全霜雪滿巔心獨在但應無主謝諸緣

漫興

三月山村春興多携兒散步澗邊沙
草如茵處花如錦燕正舞時鶯正歌
坐對芳樽開語笑起臨流水費吟哦
人生最貴從吾好何用勞勞鬢易華

贈尹可晦

時

赴鐵原二首

古玉先生詩集補遺
故鄉曾是古銅州
弓氏興亡七百秋
異代猶聞多武弁
斯文端合借君侯
行省禮讓淳澆俗
坐使絃歌變俚謳
為養一心吾已得
何須執手動離憂

其二

人生何處不傷情
最在登臨送遠征
青眼白頭多少淚
綠楊芳草短長亭
一麾今日君何恨
萬事殘年我自驚
榮辱是非休更問
且將尊酒十分傾

五言絕句

南川道中曉占

又見萬竹軒遺稿
姑兩存

清曉獨行處
惟聞春澗鳴
沙川三畝宅
却憶枕邊聲

書示

欲學柳下惠當如魯男子平生李杭州清節照青史
靈國洞與二三子遊

終日坐盤石望山仍聽泉晚炊供一飽意思自安然
慎勿欺茅醉賦

萬井渾如畫朝陽更發暉憑欄一尊酒清興自忘歸
次北窓兄韻

日暮暝烟合蒼茫山外山招提問何處鍾定翠微間
偶吟

江海悲涼客乾坤老大身三秋歆枕處獨有一蛩親

七言絕句

送林上舍廷俊還鄉

江南貢士滿京華
蕭灑風流孰最多
欲識林君舊家世
水邊籬落有梅花

寄李仁瑞

拄頰僑窓白髮侵
炎天薄暮雨霏霏
北隣賴有松溪在
離別如何又到今

憶萬竹兄

憶寄貂裘問疾時
鵲鷁原上北風吹
如今流落空山裡
豈謂冢寒兄不知

登駱峯

扶衰今歲有枯藤
城角高秋試獨憑
一望東原一孤嘯
暮雲迢遞隔康陵

耳鳴

初疑笙鶴下雲端
却訝隔窓松韻寒
還似降仙樓上卧
清秋落月聽風灘

韓聖源上壽慈氏

聞道君家壽席開
翩翩彩服映金杯
白頭誰識窮途客
風木聲中不盡哀

大興洞

山竹蕭蕭恠鳥啼
苦吟斜日倚青藜
不辭草露沾鞋
冷祗恐溪雲繞脚迷

過柳仲益故居

重来故宅尚依然
此老相知三十年
小甃空傳夜泉
響山桃初發野塘邊

偶吟

西隣聞說有名姬
人國應傾一笑時
老去相逢揩病
目昏花渾不辨東施

蔡氏亭

江上高亭三面通
長洲遠樹勢無窮
東南峽拆蒼茫

外十幅帆飛九月風

過完川仲溫故居

世事年來已白頭
故人多向九京遊
荒涼舊宅經過地
又是蕭蕭落木秋

寄松溪

西隣昨夜哭聲悲
白髮孤孀失健兒
死生古今真夢幻
不妨連日把深危

次尹知樞寄贈韻

日飲千鍾寧數瓶
清風散髮卧疎櫺
醉鄉寬大堪投老
塵世年來已外形

漫吟

碧溪終夜水淙淙
賴是幽齋枕石缸
紅杏蒲庭山月白
子規聲裡獨開窓

寄高城太守

飄然匹馬海東頭
聞說君今管十洲
却憶去年歡樂事
青紗紅燭降仙樓

憶高善建

亂離無處可藏身
野店山村幾被嗔
長憶江南斷金友
一丘三畝許為隣

偶吟

同時年少盡名流。酒肆琴臺恣意遊。白首那知漂泊地，無人相見問窮愁。

曉占

楓落千山歲已闌。客懷無賴易辛酸。夜來風雨僧窓冷，知道西關特地寒。

書懷憑寄苔槎父子三首

終宵爬癢爛肌膚。蟣虱從來虐腐儒。不信平生王景略，捫餘猶得話良圖。

其二

近啜清晨粥一盂。扶衰養老勝膏腴。自從九日全飢

古玉先生詩集補遺
後瘦骨成稜蒼鬢鬚

其三

九日全飢落鬢鬚鬢鬚雖落氣還蘊此時肯借丹材
否却恐殘年藥易枯

曉占示東崗金伯蘊李君信

浪走人間六十年清平今始得良緣煩君莫問生涯
事一日閑為一日仙

陽月初六化粮于觀佛翌朝偶吟

昨日化粮觀佛村纔盈斗粟已黄昏曉來欲向西南
里風雪漫天路不分

憶靜養堂

原川君
士義號

矯矯平生靜養翁
白衣何處衛飛龍
西風汾水巡遊遠
今日關山幾萬重

有人始傳苔槎前
七月戰沒于錦山
曰厚亦赴死云
遂用哭守菴韻二首

錦里秋風落將星
蒼蒼九萬但冥冥
長身八尺今雖盡
尚賴千秋不死靈

其二

君家直與卞門班
一死令人心骨寒
忠孝空留汗青在
他年定作鳳麟還

寄呈松江

鍾呂千秋朝帝鄉金丹正脉接丹陽分梨十化真詮

在倘得殘年肘後方

右乞丹陽馬真人集

示韓柳川二首

奔走風塵兩鬢霜一年時序又端陽鹿門上塚家山
事今日歸心倍渺茫

其二

知己平生未易求白頭何幸識荊州鍾期已逝琴絃
絕伯樂今來馬價優

朝起

朝出柴扉始散鴉孤烟初起野人家
霜華映日千林白恰似春城萬樹花

謝姜德輝送魚米

流落窮山與死隣使君千里慰吾貧
平生交契知多少六十年來有一人

入城

甲午三月

城郭周遭落日斜荒墟處處是誰家
東風立馬新橋畔滿目傷心無主花

三清洞

四十年前此苑遊綠尊紅袖足風流
白頭重過斜陽

古玉先生詩集補遺
裡古木寒鴉獨自愁

中元

中元之日薦亡魂
亂後猶知舊俗存
日暮四山聞衆哭
幾多新鬼有兒孫

野杏

行到溪邊見杏花
自將衰鬢感年華
山村寂寂無烟火
惆悵無日問酒家

雨後卽景

積雨初晴返照明
水田青草亂蛙鳴
扶筇試上前崗望
大野長江一色平

病餘寫懷二首

元氣今朝頓覺衰，祇緣長醉乃忘之。
春寒誓酒休相問，我本平生不孝兒。

其二

慈母丁寧戒酒辭，分明卅載只心知。
從今若作留連飲，地下何顏見侍兒。

次申上舍韻

嘗讀黃庭慕上仙，不知誰着祖生鞭。
如今漂泊風塵際，回首三山一悵然。

贈鄭斗源

古三才言集卷之十一
榮陽年少白眉生耳目聰明骨格清血氣盛時須讀
誦吾言非苟出真情

春日偶吟二首

昨夜東風吹雨來今朝晴景絕纖埃詩人自此應多
事楊柳青青杏半開

其二

花含細雨丹腮嫩柳帶輕風翠線長無限好詩森在
眼等閑吟了却茫茫

贈姜信仲

七載相逢兩白鬚忽聞存沒便驚呼直須沽酒酬青

眼未識他時更見無

謝中原別駕送酒

一壺春酒當千金遠寄衰翁慰客心始信紫桑陶處
士江州太守是知音

題李景鎮精舍記所見三首

我自清風入洞門落花流水認桃源主人罷釣初回
棹童子除堂且置樽

其二

砌下清灘響夜分窓間宿客爽吟魂朝來童子携竿
至盤上銀鱗閃閃翻

其三

地秘天曄護別區
高人目力刻荒蕪
溪山宛似神仙窟
風雨時成水墨圖

寄呈西川汝仁 鄭崑壽

孟秋猶熱季秋寒
最愛中秋月一團
同在殊方不同賞
滿天風露獨盤桓

醉吟


二年江海龍鍾客
是處從他白眼看
一醉官醪長袖舞
路人爭道老公權

別金善胤之湖南

鴈北歸時君正南也無傳札我何堪海山春色須同
賞莫負歸期三月三

北窓古玉先生詩集卷之五







北坡志